



# تاریخ وادست

ط ۱۳۳۶

مجموعه

میزم و متخصصه طرفندن تدقیق اولمقی مطالعه سندهیم باقی امر و فرمان  
حضرت من له الامر کدر . ۲۲ ایلول ۳۲۳ بنده

کتاب منحصارندن  
علی امیری

بن بوعریضه نی تقدیم ایتدیتم وقت اوییه فن ایدیوردیمکه خالص  
افدینک کتم و اخفا ایلدیکی بویله مهم کتابلر طوطی برقاج عدددن  
عبارتدر . صوکره دن تحقق ایتدی که یوزلردن و بلکه بیکلردن زیاده در  
اگر خالص افندی تفریق ایتدیکی کتابلری ده دفتره داخل واره  
ایتدکدن مسکرم بازارلق ائنده بن بو کتابلری ویرمه جکم دیه کنارینه  
اشارت ایتسه یدی بر دیه جک قالمزدی . نته کیم صاحب ملا زاده ابراهیم  
بکدن آنان کتابلرک جمله سی معارف نظارت جلیله سنه ویریلن دفتره  
داخل اولمش و اعطا ایدلیه جک کتابلر دفترک کنارینه قید و اشارت  
اولمشدر . خالص افندی ایسه کتابلری کتبخانه سنک دولابلریله برلکده  
معارفه صائمش اولدینی جهتله ارتق کیزلیجه کتابلر آیرمغه ده حقی  
قالما مشدر . بو خصوصه دائر مجموعه مده دوام ایدن اخطارات مکرره یه قارشی  
معارف نظارتنده حالالزو مسز بر سکوت دوام ایتمکده دراکر بو حال بویله دوام  
ایدرسه ارباب انصافه و اخلافه بریادکارمخلد اولمق اوزره استقبالا چقه جق  
نسخه لر مزکده برچوق صحیفه لری بو مسئله یه حصر و تخصیص ایدیه جکدره

### نظائر

غزل امیری\* آمدی جد کیر فقیر

اولدی دل قید کیسوی دلارادن خلاص

بولدی دیوانه من زنجیر سودادن خلاص

زائل اولسونمی کوکلدن نشئه فکر لبک

باده کلفام اولورمی جام مینادن خلاص

هاشقدن صافله دی رخسار آشتابی

ایلدی پروانه سن شمع شب آرادن خلاص

نصرت آراسك هله ای یوسم تاپیرشن  
ایلدك دامانگی دست زلیخان خلاص  
برگون اول چاك چاك اولسه کریبان حیات  
زده اولسه ق دست ناهموار دنیادن خلاص  
کوریز - رستنی هم نصرت شجرائی  
آب (امیری) دستکه اول شوخ رعنادن خلاص [۲]

### نظیره نصرت آمدی

بولندی دل حسرت وصل دلارادن خلاص  
بولندی دیوانه قید عشق لیلادن خلاص  
بیچ وتاب کاکل مشکینه دوشدك ای کوکل  
صامه ممکندر سکا زنجیر سودادن خلاص  
نوله قیسهك ترك دعوای خرد بجنون گهی  
عقله اولماز عشق میداننده یغمان خلاص  
آفرین ای دل که معمور اولدك بریار ایله  
غالبایلدك که یوقدر طعن اعدادن خلاص  
(نصرتی) حیفاکه دام عشقه دوشدك بوله دك  
عاقبت قید المدن درد دنیادن خلاص [۳]

### نظیره شعبان کامی آمدی عم کیر فقیر

بولدم بر دم کمند زلف لیلادن خلاص  
کیم اوله دیوانه دل زنجیر سودادن خلاص

- [۲] بوراده کی خلاص (سند) مقامنه در . اولوقت او یله استعمال اولوردی .  
صاحب غزلک حفیدزاده سی و بو حقیرک جدی کمرک امینی احمد آغا مرحومک ۱۲۲۴  
تاریخنده برادرزاده سی اسماعیل آغا حقنده یازیلان والحاله هذه نزد مده موجود بولنان  
برسندظهرنده جدمک خط دستيله (برادرزاده م اسماعیل آغانک ابراخلاصیدر) عبارده سی  
محرردر .  
[۳] نصرتی آمدی ، امیری چلبی ایله معاصر اولوب اوندن ۲۳ سنه صکره  
۱۱۶۰ حدودنده وفات ایتشد .